

Provèrbis

Pichòt mèfi
Aranha del matin
Chagrin
Aranha del miegjorn
Lagui per totjorn
Aranha del ser espèr
Te vau contar una istòria
Un òme qu'aviá soscat
Sus la debuta d' aquelas paraulas
Decidiguèt d'empoisonar
Totas las aranhas
Del còp fuguèt sens esper
Tota sa vida.

Repic

Ai rescontrat un savi indian
Indian d'Amazoniá
Que del naut de sos cent ans
Me diguèt
« Pichòt mesfisa te de la vida.
Es enganaira... »

Pichòt, mefi !

« Es pas al musicaire
Qu'òm ensenha la musica. »
Te vau contar una istòria
Un jorn un violonaire qu'èra
A accorder son instrument
Per un intelectual pretenciós
Fuguèt interpelat
E ! Se fai pas coma aquò
Lo musician impressionat
L'escotèt
Quand lo concèrt venguèt
Es la corda que se copèt

Repic

Pichòt mèfi !
« Val mai manjar
qu'èsser manjats »
Te vau contar una istòria
Una granhòta qu'aviá ausit aquò
Se metèt a manjar
Cada jorn
Cada Minuta e per totjorn
Tament que coflèt coflèt
Espetèt, espetèt.

Repic

Pichòt ,mèfi !
« Las bèstias sovent
Aprenon las gents »
Te vau contar una istòria
Un òme inspirat
D'un ors que dins sa tuta
s'èra refugiat
Mai lèu que de costuma
Sensa vergonha se trufava
Mas lendeman, la nèu tombava.

Repic

Pichòt mefi !
« Un ostal sens femna
Es un còs sens arma »
Te vau contar una istòria
Un jorn que n'aviá son pron
Decidiguèt de partir la Magalona
Del còp l'ostal qu'èra comol de jòia
Es de tristessa que s'empliguèt.

Repic

Pichòt, mèfi !
« Qual a pas bon cap
Cal qu'aja bonas cambas. »
Te vau contar una istòria
Benstrong , arribat sus la luna
Decidiguèt de s'e n tornar
Qu'aviá doblidat sa combinason
Trop vièlh i poguèt pas tornar.

Repic

Pichòt, mefi !

« Fa pas bon
metre son det entre doas peiras »
Curiós ensaget
Embarrat,
Embarrat
Entre doas peiras
Demorèt
De fam crebèt
Al cèl partiguèt
Lo savi rescontrèt
Aquel li diguèt
Razon
Ai totjorn razon.

Repic

Pichòt, mefi

« los proverbis son a escotar
Mas coma lo vin bon
A utilizar
Amb moderacion.
E jamai ne'n cal abuzar
Si que non ta personalitat perdràs
E de riscas prendràs
E coma la granhòta espetaràs.